



UNIVERSITÄTS-  
BIBLIOTHEK  
PADERBORN

# **Universitätsbibliothek Paderborn**

## **Theologia Moralis**

Antehac Ex Probatis Auctoribus breviter concinnata

**Busenbaum, Hermann**

**Coloniae Agrippinae, 1713**

Q. 51. Quid circa missale & ritum celebrandi sit notandum.

**urn:nbn:de:hbz:466:1-42624**

tamen habeat majorem consecratam , putant multi hanc posse elevari , ut vitetur admiratio populi. Quid facere debeat celebrans , quando advertit hostiam esse fractam , dixi l. 6. p. 1. num. 432.

363. Q. 51. *Quid circa Missale & ritum celebrandi sit notandum.* &c. seqq. §. 1. Non est opus , ut Missale sit benedictum : si autem in necessitate celebrandi desit Missale , satis est , si Sacerdos aliquam Missam in charta descriptam ante se habeat , Tamb. Gob. t. 3. n. 304. Lohn. p. 1. t. 3. §. 1. n. 6. aut ex memoria dicat , Laym. Gob. Verj. t. 8. a. 7. n. 6. Sporer n. 388. contra Tann.

364. §. 3. Si quis visu careat ad legendum Missale , possit tamen adhuc videre hostiam & calicem , nec periculum sit amittendi particulas aut irreverenter tractandi Sacramentum , dicere potest Missam , quam de memoria scit , nam non requiritur , ut quis Missali utatur , sed tantum præcipitur , ut adsit in altari ad usum , si sit opus . Ut autem vitetur scandalum , debet Sacerdos talis omnia peragere cum Missali , atque si vide-ret. Gob. n. 302.

365. §. 3. Sacerdos v.g. Dominicanus , si sit in missione , debet se accommodare ritui Romano in legenda Missa , saltem quoad illa , quæ exterius apparent , ut sit conformitas & non turbetur populus , Verj. a. 13.

366. §. 4. Sacerdos Coloniae beneficiatus & resi-dens , non potest legere Missam ex Missali Trevirensi , potest tamen semper & ubique uti Missali Romano tanquam matricis ecclesiæ , Less. in Auct. V. Horæ canon. Casu 7.

367. §. 5. Sacerdos ritus Romani non potest nequidem in ecclesia Regularium uti Missali talis Ordin-

Ordnis proprio , peccatque graviter , si celebret alio ritu quàm suo , quem servare posset ;  
Pasq. q.207.Unde quamvis *Præp.dicat* peregrinantes posse celebrare juxta ritum & consuetudinem Ecclesiæ , in qua sunt , tamen rectè contradicunt *Quarti p. 1.t. 14.d.4. & Aversa q.11.s. 12. §. Decimò.* quoad ritum proprium alicui Ordini vel Congregationi: hinc etiam Missæ , quæ non sunt in Missali communi vel tantùm conceduntur certis Regularibus vel in certis locis , non possunt ab aliis vel alibi dici nequidem in ecclesiis illorum Regularium , uti resolvit S. Congreg. 19.Nov. 1622.apud *Gav.p.3.t.10.* & *Aversam §. Quando.contra Castrop.*

368.

§. 6. Peregrinus , qui servat ritum Romanum , sive sacerdotalis sive regularis , licet utitur ritu & Missali Diœcesis , in qua reperitur , *Con. Tamb.* & alii communiter: Neque *Pius V.* revocavit Jus commune , quo potest advena se conformare consuetudini Diœcesis , quam transit.

369.

§. 7. Missalia habentia in Canone , *pro Rege nostro* , sunt quidem suspensa & prohibita , attamen censuit doctus Casista prohibitionem illam in praxi non observari , & nunc supponi posse illa Missalia esse cum autoritate excusa , cùm in Hispania & Gallia licitum sit hoc addere & uti ejusmodi Missalibus. Viri autem probi & docti etiam legunt , quamvis reperiatur , *pro Imperatore* , alium enim in Germania Regem nō habemus: unde etiam circa Missalia , quæ reperiuntur in pagis , & habent illud , *pro Rege nostro* , non videtur ulli faciendus scrupulus.

§. 8. Missale gallico idiomate impressum , 370.  
est prohibitum hoc Decreto *Alexandri VII.*

Ad aures nostras ingenti cum animi mœrore

N 3

pervenit,

venit, quod in regno Galliae quidam per editio-  
nis filii in perniciem animarum novitatibus  
studentes & Ecclesiasticas sanctiones ac praxim  
contemnentes, ad eam nuper vesaniam perve-  
nerint, ut Missale Romanum latino idiomate  
longo tot sacerdorum usu in Ecclesia probato  
conscriptum, ad gallicam vulgarem linguam  
convertere, sicque conversum typis evulgare,  
& ad cujusvis ordinis & sexus personas trans-  
mittere ausi fuerint, & ita sacrosancti ritus Ma-  
jestatem latinis vocibus comprehensam dej-  
cere & proterere, ac sacrorum Mysteriorum di-  
gnitatem vulgo exponere temerario conatu  
tentaverint. Nos quibus licet immeritis, vineæ  
Domini Sabbaoth à Christo Salvatore nostro  
plantatæ, ejusque pretioso Sanguine irrigatae  
cura demandata est, ut spinarum ejusmodi,  
quibus illa obrueretur, obviemus incremento,  
earumque, quantum in Deo possumus, radices  
succidamus, quemadmodum novitatem istam  
perpetui Ecclesiæ decoris deformatricem, in-  
obedientiæ, temeritatis, audaciæ, seditionis,  
schismatis aliorumque plurium malorum fa-  
cile productricem abhorremus & detestamur,  
ita Missale præfatum gallico idiomate à quo-  
cumque conscriptum, vel in posterum alias  
quomodolibet conscribendum & evulgan-  
dum, motu proprio & ex certa scientia ac ma-  
tura deliberatione nostris, perpetuò damna-  
mus, reprobamus & interdicimus, ac pro da-  
mnato, reprobato & interdicto haberi volu-  
mus, ejusque impressionē, lectionem & retentio-  
nem universis & singulis utriusque sexus Chri-  
sti fidelibus cujuscumque gradū, ordinis, con-  
ditionis, dignitatis, honoris & præminentiaz,

licet

licet  
bend  
tionis  
petu  
quicu  
quom  
fectu  
vel Ir  
exem  
ciant  
bus q  
Etam  
die 1:  
At  
versif  
sam g  
cis of  
vel in  
Q.  
§. I.:  
offici  
leger  
cetur  
alia ce  
que p  
cùm f  
lauda  
Notá  
se à S  
præse  
die  
venia  
legit  
Dian.  
§.

licet de illis specialis & individua mentio habenda foret, existant, sub poena excommunicationis latæ sententiæ ipso Jure incurrendæ perpetuò prohibemus, mandantes quod statim, quicumque illud habuerint, vel in futurum quomodounque habebunt, realiter & cum effectu exhibeant & tradant locorum Ordinariis vel Inquisitoribus, qui nullâ interpositâ morâ exemplaria igne comburant, & comburi faciant, in contrarium facientibus non obstanti bus quibuscumque. Datum Romæ apud sanctam Mariam majorem, sub Annulo Piscatoris die 12. Januarii 1661.

Attamen non videtur illicitum, si Controversista Catholicus faciat imprimi aliquam Missam gallicè vel germanicè redditam, ut hæreticis ostendat in ea nihil contineri superstitionis vel indebiti cultus.

*Q. 52. Quænam quotidie Missa legenda sit. R. 371.*  
 §. 1. Legenda est Missa de die seu concordans officio, prout à Rubricis prescribitur, nisi quis legere voluerit votivam vel de Requiem, ut dicitur à n. 495. nam nequidem votum de Missa alia contra prescriptum Rubricæ legenda, neque promissio ob acceptum stipendum obligat, cum sit de aliquo non licito aut saltem minus laudabili, Sennyei De Missa n. 161. Sporer n. 431. Notatque Gav. p. 1. t. 4. saepius declaratum esse à S. Congreg., quod Canonici, ut lucentur presentias, teneantur ad cantandam Missam de die : Secluso tamen scandalo vel contemptu venialiter tantum peccat, qui Missam unius diei legit pro Missa diei alterius, Saar. Laym. Lugo, Dian. Tamb. Gob. à n. 703. Sporer n. 429.

*§. 2. Quivis Sacerdos licet celebret Missam 372.*